

定山堂詩集

定山堂詩集卷十六

七言律詩一九十一首

感事和王子雲韻二首

辛巳

范質公司馬抗疏謫歸寄懷二首和方孩未

先生韻

卽事

有聞

友人以感秋詩索和卽步來韻

四首

子雲歸自金陵以新詩見貽依韻寄答

登晴川閣小飲同舅氏爾立先生家弟孝緒

限韻二首

燕邸秋懷和朱玉繙韻八首

壬午

中秋同閻古古孝廉集方密之太史曼寓分韻

爲密之催粧同秋岳于皇爾唯如須限韻

三首

古古骯髒負俗爲讐者所中變姓名入都秋
行盡矣客思無聊且歸沛中賦詩留別依
韻和之詩成而古古已策蹇去矣

二首

奉使出都馬上口占

二首

除夕入直右掖

正午

送李二則歸金陵

時癸未以言事在繫

同尹洞庭梁公狄看月大醉

送姜如農給諫謫戍宛陵兼懷如須大行

四首

感春二十首

甲申二月

和雪堂先生遂初秋岳舒章秋日書懷詩十

二首

甲申

薄暮醉歸同遂初作

甲申

曉行有威同遂初作

甲申

和秋岳八月十六夜詩

三首

再登前韻贈別秋岳

三首

乙酉三月十九日述懷

天慶寺送春和舒章籜菴爾唯諸子

過鞏鴻圖都尉故居

乙酉

過城東戚貴諸里第

乙酉

雪航寓中看演玉鏡臺傳奇

二首

懷方密之詩

有序

朱遂初謁告得請和袁鳧公韻爲贈

秋夕有懷和遂初

二首

定山堂詩集卷十六

姪嘉禧

淮南龔鼎孳孝升著

男士稹全較

弟鼎璿孝積訂

士稚

七言律詩一

辛巳至丙戌
舊篋偶存藁

感事和王子雲韻二首

辛巳

江潭搖落自行歌
威鳳驚聞有罽羅
三黜風雷天意定
百年環珞主恩多
賈生豈愛投荒數
張禹終如折檻何
去國未收憂國淚
蒼生十載望巖阿

其二

蕭然冰雪送歸裝
江嶠重栽薜荔裳
日晏鐘鳴丞相邸
目成蘭折美人堂
雲霄一羽天難問
湘澧千秋路未荒
宣室應虛前席待
九堦烽火正倉皇

范質公司馬抗疏謫歸寄懷二首和方孩未

先生韻

敢言吾道必山林
尺疏清流憂患深
一代顧厨占進退
百年君父忍浮沉
月懸虎帳黃金甲
春滿龍江白榜墜
天與溪山優碩果
爲憐顓頊卜居心

其二

俯仰通津老不能手排闥闥最高層四朝寵辱心
如水萬古雲霄道得朋去國大名爭馬劒憂天雙
鬢短漁罾角巾歸第長瀟灑茗粥花谿退院僧

卽事

千騎嘶風鞞鞞斜觀軍容使亦爭誇九重威福霑
貂玉一路歡愁擁纛牙龍塞已聞收使節羽林應
自憶還家當宵鼓角悲秋甚攬鏡吾驚長鬢華

有聞

萬口同喑此一時孤臣心敢望天知相憐鮑管愚
難及竝作膺滂死不辭丹檻雷霆回草木黨碑風
雨護蛟螭絲綸高閣多黃髮緩帶鳴珂自委蛇

友人以感秋詩索和卽步來韻

檐梧初下覆清塵虛壁涼蛩老畏人亂後驚秋孤
戍月花時漉酒野人巾蚤霜淒角凋青鬢遙夜風
砧報翠輦荷戟已憐移帶孔更添愁病是催緡

其二

秋原新燒照高天猶見妖星守故疆謁者觀軍煩

再遣元戎佩印已經年
頻霑醪續寬郊壘遍覓頭
顱買帑錢楚蜀獻俘兵解甲
漁樵老我只高眠

其三

驚鷄狂捲碧山阿
征旆黃塵起鵲鷺帳下健兒今
日盡賊中名馬夜來多
殘軍掩鼓栖沙草新鬼啼
墳怨薜蘿戰氣不揚秋
漸去夕陽原上莫經過

其四

松菊頻年憶徑三
愁予烽火奪烟嵐江潭落葉秋
偏早林澗移文客自慚
緗帙靜翻官燭短寒灰深

擁夜香酣夢餘枯葉敲簷瓦細數賓鴻陣陣南

子雲歸自金陵以新詩見貽依韻寄答

古雪吹香入早林西風猶響隔年砧人歸桃渡春
前夢鴈過蘆洲別後心荆楚暮雲迷戍角關河秋
雨濕囊琴剡溪岑寂思招隱一棹王猷興淺深

登晴川閣小飲同舅氏爾立先生家弟孝祐

限韻

大別山前落照遲丹梯百尺正逶迤天連江漢迷
烟縠人傍星辰倒玉卮歲晚不消芳草夢衡邉難

約旅鴻期寒風乍捲濤如雪却憶淮南八月時

其二

登高風物鬱蒼蒼何處寒花發戰場吳蜀健兒猶
裹甲漢江游女自褰裳中洲鸚鵡淒芳草隔岸樓
臺受夕陽滿眼昆明消一醉烽烟真不上漁航

燕邸秋懷和朱玉籀韻八首

壬午

衰柳長安古道賒西風一夜客愁加魂搖落日樓
頭笛夢濕寒雲白下花萬里秋聲兼戰鼓千山兵
氣隱悲笳故鄉井竈今餘幾目斷中原過鴈斜

其二

秋到西山暮靄凝
支頤無復宦情增
當杯狂許寬文網
避世居難卜武陵
千邑爲墟誰豢虎
十年誤國有蒼鷹
夢餘回首鄉關改
王粲樓高未忍登

其三

誰將孤劒倚秋峰
午夜心驚長樂鐘
絕塞人難誇

射虎梁園士已廢雕龍

時中州秋闈以寇警未舉

奕惟袖手談

皆好火欲燃薪寐正濃
努力將軍歌舞地
隔河笑指最高烽

其四

空庭月色鏡中涵
落葉秋風戰已酣
江驛梅纔傳
薊北小山桂早發
淮南讀騷有暇耽
高枕畫簾無人學
遠嵐斗室蕭然生事拙
鬢毛何福點朝簪

其五

戰場讀罷掩啼痕
畫戟爭傳帥府尊
誰唱大風思
艸澤獨留荒月照
花門軍中苜蓿秋
偏瘦亂後荆榛鬼
不存忍死健兒還
借一莫因野哭但銷魂

其六

五
小草風塵信馬蹄，兔柴三徑亂烟迷。
青瑣失後留長缺，白鴈迴時聽曉聲。
緩帶已無羊叔子，悲秋空有庾征西。
高歌燕市逢年少，一曲離愁語漸低。

其七

閒堦碧露斂殘燭，裘敝難支暮與朝。
經亂夢如春後草，懷人睂鎖雨前蕉。
饑驅自覺秋腰減，病劇應無素手招。
慚愧東方徒索米，故園今已罷耕樵。

其八

偃蹇高齋擁百城，苦吟意匠亦經營。
鬱輪袍自羞

摩詰南舍禪何損步兵天下瘡痍思國手吾曹出
處畏虛聲深秋也染文園渴狗監難教識姓名

中秋同閤古古孝廉集方密之太史曼寓分

韻

青楓已報落吳江坐摘寒星影一窓入夜誰家吹
玉笛悲秋有客倒春缸故園明月憐依舊堊堠驚
烽莽未降被酒談兵狂底事却輸紅袖倚屏雙

爲密之催粧同秋岳于皇爾唯如須限韻三

首

綺閣鴛鴦繡譜陳押簾銀蒜護花塵舊憐染硯宜
純袖新學梳頭問侍人豈翫試香矜午夜海棠留
夢伴芳辰金門好是琴心地爲博文君一啓唇

其二

畫黛牙籤夾座陳深閨筆墨淨秋塵書宜內史增
彤管天與龍綃寵玉人絳燭影憐三喚後綵簫吹
待百花辰章臺漸有香螺染不羨東方獨嚙唇

其三

流蘇雙結翠茵陳玉暖湘鈎蹴粉塵視草鳳池蘭

作佩簪花鸞鏡壁爲人綠雲斜照金釵夕紅印香
消寶曆辰爲說主恩清禁渥口脂新賜及檀唇

古古骭髀負俗爲讐者所中變姓名入都秋
行盡矣客思無聊且歸沛中賦詩留別依
韻和之詩成而古古已策蹇去矣

歸計殘書老蠹籬秋霜驢背識生年高樓暫許元
龍臥畏路難容阮籍行雙鬢風塵天地窄十年燈
火鬼神明蕭蕭易水寒如昨遲汝來歌燕市聲

其二

敝裘典盡只空簾長揖逢人色未平傭係自驚堂
上客公卿誰愛少年行連城和壁歸增重似月蛾
眉妬轉明豪氣未除真不可閉門聊復學吞聲

奉使出都馬上口占

華省鳴珂動曉雲征衣纔傍御香薰金鞭草色王
程遠玉鏡花愁客夢分過鴈佇傳桃葉字寒沙爭
列羽林軍霜風應解高樓怨蘆荻聲中一遣聞

其二

仗劍朝辭尺五天紅塵飛簇錦連錢明光奏草虛

銀管長樂鐘聲隔紫烟
戟手自慚人
韎韐畫眉擬
待月嬋娟長卿乘傳光輝甚
應傳琴臺入夢憐

除夕入直右掖

壬午

紫禁霜清玉漏遲
蓬萊雲氣動
杳思爐烟細
繞龍鸞匣晴色先開
鳩鵲枝仗簇羽旗
青瑣近露迎金掌
百花知萬方笳鼓懸宵旰
可似書成諫獵時

送李二則歸金陵

時癸未以言事在繁

葦蕭風勁雁鴻疎
梧柏寒搖客恨初
乍喜故人驕
獄吏可堪殘酒送
征車眼前鬼妬劉蕡草海內人

傳鉤黨書待我花潭兼竹塲恩波終許屬樵漁

同尹洞庭梁公狄看月大醉

空庭促膝欲何爲搔首呼天天亦疑冷竈月高名

士會

時于破竈上行酒

春鈴風度畫奩詩清流多豈朝廷

福濁酒狂銷鼓角悲厚祿公卿能料敵買生書已

棄明時

送姜如農給諫謫戍宛陵兼懷如須大行

我策疲騾君策蹇芒鞋雙踏鐵門開

時與如農同出獄待放

布衣煖覺春暉重青史名容後進陪去國一身真

報母投荒萬里亦憐才
欣看折坂存遺直
狐虎紛紆已死灰

其二

善人在患急于餓
訟子寃書誓拂衣

予曾三上書爲如農申救

自許龍鱗猶可逆
未防虎乙盡能威
士逢獄吏微軀賤
天牖朝賢諫草稀
七尺千秋君並得
敢云九死一言非

其三

五雲雙闕杖聲高
癡血淋漓裹敝袍
一代直臣膚

髮貴爾時中使指揮勞

如農魚山拜杖時司禮東殿二大瑞出視

招魂

白簡懸霜日瞥眼青天過海濤鼎鑊已除鈎黨息

重闡原不薄吾曹

其四

英雄涉世耐饑寒不愛黃金與貴官檻上朱雲求

死易眼前范叔告人難一門仗節悲秋草多士同

時惜戶蘭

時給舍同繫者七人

歸去季方連榻夜莫言近事

恐衝冠

感春二十首

甲申二月

手撫明絃目送鴻雲霄一羽墮墻東鳳衰誤叫扶
桑口鯨大平翻灩澦風鐵甲氣連關塞黑玉珂雲
散枕痕紅步兵哭歎非無謂不擬春愁訴路窮

其二

無聊春色改霜冬風動簷花影欲重床有百城輸
米甕身無四壁閣眉峰絕交竝斥犇門客玩世高
題城旦春強項應招卿相厭金貂曾不戀疎慵

其三

問世心長晝掩扉蓬萊院亦避芸暉泰階自指三

台正傲客長看七尺微奮臂天關馴虎尾還山風
雨付牛衣扁舟預訂桃溪約二月漁竿水漸肥

其四

自悔雕蟲詘壯圖霜鷹蹋翼遠難呼西山草木猶
群盜北極衣冠孰老儒十道爭飛常侍檄五侯初
進富民租高烽夜照麒麟閣無數歸人踏綠蕪

其五

九霄玉闥迴難排偶語天衢漸不佳闍寺氣方橫
鎖鑰神州涕已落秦淮乘時統袴新專閫養賊機

宜舊舞階幸守布衣充雜作不辭被酒臥春齋

其六

北山心向薜蘿回勇退何煩猿鶴催去國塵沙空
駐馬懷鄉風物幾登臺子真身隱書猶壯太傅時
清笑誤哀典盡朝衫春夢破蕭條生事屬啣杯

其七

得還初服豈辭貧四海烽烟去住身天上笙歌仍
北里門前車馬又東隣違時敢賣當鑪酒閉戶長
閒折角巾罵座談兵都不應名香聊復喚真真

其八

莫拈瓊草命靈氛
昂首曾披閭闔雲
瘴骨已甘蛟穴
棄宮衣無分麝煤
薰書成誰念劉中
壘檻折難堪
張子文火燭甘泉
天欲哭最無聊
賴度春分

其九

睨柱何人倖壁還
杞天憂憤一時刪
雀羅賓客今揮手
虎食賢豪夜守關
杜密虛憐同日志
莊周甘處不材間
三春生事惟高枕
又倩香紈護博山

其十

宮城未許聽咸韶生計惟宜舊緯蕭白下有雲慚
子舍青門無路惜長條讒人福厚難投虎逐客愁
多莫厭鶚獻策行歌俱報罷春風窮巷一簞瓢

十一

莫倚群公恕草茅上書擊劔總相嘲何時斫案焚
毛穎盡日憂天坐燕巢自飲慶卿春市酒敢疑承
相故人希罷官結客誰憐汝只許青雲有石交

十二

虛將誤國罪王何欲攫金錢塞上多大將幾人承

廟略甘泉終日望
鐃歌烽連鴈磧疑
九羽雲蔽龜
山袖斧柯河朔少年空
技擊漢庭無策佐橫戈

十三

敢屈金吾比麗華
津通北寺壓南衙
九衢輻輳來
朱轂四座僵僂聽
白麻唾手錢刀封
兔窟吞聲冠
蓋化蟲沙
滔滔蕃武河山隔
愁見天街日易斜

十四

宣室宵衣刻漏長
凝丞前席語難詳
豺狼勢正喧
都邑龍虎軍誰控
太行日麗鳳城愁
撤樂春深畫

省憶添香上林陪從紛英俊諫獵孤臣鬢已蒼

十五

低頭誰敢作書生天下功名讓老兵
關輔鼓鼙青犢盛徹侯印韞爛羊輕
投醪恩遍霑牙鉞懸金軍猶譟癸
庚命合凌烟羞破賊春雷繞匣笑孤鳴

十六

何處乾坤問短亭臥龍風味讓鴻冥
壘高薊北烽爭赤春到江南草正青
燕語曉梁驚玉枕蛛絲晴日上花鈴
分牋掠鬢消孤憤愁見紅泥壓錦萍

十七

滔滔濁浪薄甘陵白日驚看赤霧蒸六詔風烟遷

客夢

時興化相國
得金齒成

三冬雨雪貫城燈身還土室名

猶錮天祐同文獄不興獨倚春樽彈舊淚西山雲

盡露高層

十八

監門兒女亦能憂忍怨春裝滯石尤風起四方思
猛士月明萬骨嘯哀丘請纓有客餘悲壯避世無
名任拍浮紫閣頭銜新賜玉功成已伴赤松游

十九

猶記晴江柳十尋春衫曾許月華侵當年別淚彈
紅雨此夕深杯對素琴蘭篆笑薰藏袖字粉奩貧
謝辟寒金披鱗熱血澆花酒憔悴人間男子心

二十

還山小草別仙凡邀惠斯人脫轡銜車上肯教憐
越石幡高常恐累王咸殘書與盡隨歸棹封事灰
存付枕函薄福東風消不得崢嶸布帽與青衫
青衫未許東風消受曾幾何時而
寇陷都城矣悲哉詩之爲識也

和雪堂先生遂初秋岳舒章秋日書懷詩十

二首 甲申

恨人懷抱本蒼茫愁對秋雲萬里長
玉管曉寒凝絳闕碧梧疎雨下雕墻
西風鴈冷餘殘堞南內鐘深過夕陽
夜夜攬衣勞蟋蟀青燈吹夢忽江鄉

其二

宮臘經春散暮烟萬家風雨灑水天
六飛靈武成瓜蔓一炬幽蘭勝瓦全
隔代滄桑真夢幻當年將相儘鳴翻
美人迢遞瞻銀漢愁絕清輝衣帶前

其三

蘭畦玉露下秋陰
烟雨空窓落水深
砧杵月中人激楚
鴻魚天外字浮沉
百年出處高齋夢
滿眼興亡午夜心
腸斷茂陵兼病渴
避人今已罷行吟

其四

平臺秘幄啓東華
前席宵分絳燭斜
一自彤廷飛赤羽
驚看溝水散黃麻
銅盤自汜金仙露
溫樹全卑綺閣花
近說開元宮監老
半隨鸞雀出天家

其五

定山堂詩集

王言律詩

卷六

莫上長安舊酒樓
蕭條烟樹亂峰秋
南冠萬死身何補
畫角一聲魂未收
倚劔壯懷看戲馬
臨河長憶阻牽牛
黃昏燈火憐雙鬢
入夜啼烏肯白頭

其六

寒花小燕翻涼雨
高柳殘蟬立晚風
龍舸夜逃環碧殿
鷄籌日冷未央宮
銷魂景物天難問
往事斜暉夢亦空
壁月漫牽江總恨
紫毫紅研幾能同

其七

金甌完缺渺何憑
側席憂天力未勝
最恨秉鈞荷

作柱虛勞當守木從繩銅駝蔓草秋仍碧巾幘餘
生影自憎萬斛寂寥天寶淚西風吹到玉衣曾

其八

劫焰燔空亦惟哉珠簾碧椀碎芳埃纔聞鸞輅雲
中杳盡倒龍宮市上來秘府球刀遺澤遠圖書歲
月野人猜長楊多少關心地走馬呼鷹去復回

其九

秋風蕭颯拂枝鳴伴飲何須索老兵小閣香籠明
月夜玉牀琴寫少年行看雲歲序消杯酒失路風

波罪管城敢望鹿門仙隱地東陵瓜熟亦昇平

其十

莫言萱樹可忘憂細草孤雲野色浮沙雁向人催
短鬢藥鑪扶我過中秋愁來花月誰招隱事過風
烟一倚樓何客賣漿屠狗在五陵車馬自通侯

十一

十年小草繫王庭幽夢長依處士星雙鬢豈堪愁
後白千峰猶向望中青秋聲乍滿高城笛花恨如
聞夜雨鈴欲采芳蘭愁遠道浮雲托慰北山靈

日薄城陰萬竈屯人經兵後莫乾坤野烏霜瘦栖
蒿屋鐵騎秋高破蘚痕書棟斜風還燕子深林鬼
火幾桐孫干戈漸息漁樵穩一笠團瓢是佛恩

薄暮醉歸同遂初作

甲申

漫倚西風竝馬行天涯白袷到秋輕近人燈火晚
成市落照烟峰青入城筑罷酒徒雙淚暗砧高寒
月一星橫旗亭莫問當年咏何限關山笛裏聲

曉行有感同遂初作

甲申

定山堂詩集

七言律詩
十七

卷十六

過雨疎星滴露盤
馬嘶人影鳳樓寒
官烟拂樹栖鴉動
輦路經秋碧草殘
何限新蒲森太液
有情流水咽桑乾
栢梁門巷梁恩月
騎省愁多只耐看

和秋岳八月十六夜詩

歸夢無勞楚客招
空天白露正淒寥
草蟲響葉寬衣帶
花氣橫簫記板橋
古戍征笳秋漸晚
金風繞扇夜偏遙
冰蟾不解傷心事
還照新豐舊柳條

其二

兼旬伏枕戀秋清
折劒支牀意未平
白眼向天初

罷酒紅窓彈淚乍聞笙愁多不逐孤雲散亂後偏
逢萬里晴一夜賓鴻聲斷續應同烏鵲繞江城

其三

樽前客散雀羅空萬事飄零一枕工故國故人明
月路秋花秋草隔年叢歌鐘拂曙移金谷錦瑟流
螢冷桂宮愁絕子雲耽寂寞自無聊賴敵西風

再疊前韻贈別秋岳

日歸魂近不須招有客頻過慰次寥郎雪調高孤
鳳曲墨波霞擁百花橋大呼執戟仙人去小隱移

文桂樹遙咫尺浮雲將進酒青門寒色上枯條

其二

瓊枝照徹璧人清襟袖幽蘭憶屈平朔客誰憐青
玉管南音如聽紫鸞笙疎鐘度雁秋將晚小社開
尊月正晴此別風烟真黯澹可堪搖落賦愁城

其三

藥壺荏苒酒杯空歸計經秋總不工鼙鼓敲殘芳
草夢鴻泥影斷菊花叢題綃漫蒨臨春閣賜露同
沾五柞宮日首蒼生望已折雄風

乙酉三月十九日述懷

殘生猶得見花光
回首啼鵲血萬行
龍去蒼梧仙馭杳
鶯過堤柳暮雲黃
寢園麥飯虛寒食
風雨瑯弓泣向方
愁絕茂陵春草碧
罪臣賦已罷長楊

天慶寺送春和舒章籜菴爾唯諸子

燈火催春過上元
又看春盡燕泥翻
銅駝陌冷絲牽棘
金谷歌殘月滿園
蕭寺茶烟叅半偈
舊家塵尾憶諸昆
芒鞋布襪隨春去
夢裏青山幾曲存

過鞏鴻圖都尉故居

乙酉

彩雲蕭史舊門闌綺榻香銷蕙草殘冠玉人偏輕
鼎鑊餐霞骨合返旃檀封章灑血心猶在花月聯
吟夢已寒定是神仙饒慧福樂昌鸞鏡不禁看

過城東戚貴諸里第

乙酉

複道當年駐五侯家家紅袖拂笙篴屏移鳳蠟青
烟冷人去章華皓月流垂柳依然臨繡戶玉驄無
計問高樓重來江令頭先白不待言愁始欲愁

雪航寓中看演玉鏡臺傳奇

狂狷千秋不可裁風流標映自蘭臺六朝文士誇

吳會一日中原散楚材樂府巧分團扇笑博山香
傍綠樽迴玉簫金管傷心麗蓬鬢愁偏此夕開

其二

綺閣烟花散後庭行雲猶自繞秦青西園客共銅
駝月北海樽橫柱史星鸚鵡夢回狂似昨杜鵑春
遠淚交零徵歌罵座原同調不用金人口禱銘

○○○懷方密之詩

有序

當密之尊中丞開府江漢時則余幸得奉
下風稱奔走吏乃密之顧獨好余時時聲

相聞卽余上記幕府未嘗不時時稱道密之也亡何柄人以復膺覆師懼弗免乃密上事螫中丞公冀緩要領罰而剪所忌蓋先是中丞公策撫局必敗佛柄人旨又元祐遺哲非彼種族也故薙鋤益力云余尾緹騎後追送江臯竟日嗚咽不忍去中丞公亦謬以季心劇孟相屬誠心媿未能然每飯未嘗忘長者意矣會密之以高第奉廷對伏闕訟中丞冤願得罷試躬橐籥之

役上意爲勅再逾歲則楚事大裂柄人者
悸而殪死上于是卽獄釋中丞公然後乃
令密之以文學行誼擢史局充王府講官
稍稍榮遂矣而余是時亦適以徵書至闕
下與密之嗚咽相對如送中丞時已密之
時時過余爲文酒之戲岸幘歌呼各道少
年事爲娛樂明星在天下眎酒人其意氣
拂鬱有不可俯仰者亡何黨禍發江北諸
賢化爲秋籜余亦以狂言忤執政趣湯提

烹密之爲歌行唁余曰灝瀕波濤君所能
君不見三年兩度封黃繩終之曰白日當
照大江北白日以存孤孽黃繩以休貴人
乃中丞公則慰籍尤至蓋向所謂柄人者
骨已飽狐蚋而中丞儼然守其故官矣密
之與余始終交誼患難不渝有如此者旣
余蒙恩薄譴得逃死爲城旦舂屢甫及乎
旅門而都城難作余以罪臣名不墜朝籍
萬分一得脫可稍需以觀變遂易姓名雜

小家傭保間短簷顧日畏見其影時密之
與舒章李子介子吳子同戢身一破廟中
相視悲泣若有思者余從門隙窺之謂必
有異亟過而耳語各心許別去越二日同
勵哭靈爽于午門再越日遂有僞署朝臣
之事余私念曰事迫矣然我有恃以解免
以我逐臣可無入也居停主人數爲危語
相嚇余卽持是應之乃唯唯退至期微聞
諸公已干事而竣方酌苦土牀賀複壁之

遇則密之適來倉卒數語面無定色曰幸甚我等自今以往長爲編氓以歿世矣余心疑其色然不忍不信其言遂跳而去食有頃戶外白挺林立謹譟入問誰何官者余曰是矣吾受死振衣而出則密之又適來遽曰孝升吾與子同死今吾君臣夫婦朋友之道俱盡矣安用生爲吾且以頭齒子劒至是始知密之爲賊得迫令索余計盡無之強應耳嗟乎密之何負于余哉旣

抵賊所怒張甚問若何爲者不謁丞相選
乃亡匿爲余持說如前復索金余曰死則
死爾一年貧諫官忤宰相意繫獄又半年
安得金賊益怒箠楚俱下繼以五木密之
爲余宛轉解免曰此官實貧甚不名一錢
也再逾日追呼益棘賴門人某某及一二
故舊措金爲解始得緩死密之亦以拷掠
久不更厚得金賊稍稍倦矣僅而舍去創
小間遂棄妻子獨身南翔冀萬一重繭哭

師以終上書討賊之志屬有天幸間行得
達不罹于危余則四顧孑然終以死誓包
胥往矣其下從乎彭威方是時向所號爲
執政者則已悉索黃金明珠蛇行蒲伏以
乞旦夕之命嗟乎密之何負于國哉夫弑
君大逆古今最難受之名也而春秋乃歸
之亡不越境返不討賊之趙盾謂人臣身
當事寄不國賊是討罪且浮于賊耳今擁
重兵護諸大帥受先朝討賊之託于數年

前者晏然無一矢加遺蟒玉焜燿貝緋闌
干燭連克朋用屠刮我善類國亡之謂何
因以爲利則逆賊之所施于若人不爲不
厚而其黨賊以仇殺賊之意不得不堅矣
顧乃責不死于橐筆之書生與被放之繫
臣豈非覆心倒行代賊推刃者乎今百史
北走燕密之南走粵亡命踵接彼蒼皆知
其心顧若人金注者昏冥然不覺耳然不
殺仇賊者則弑君之毒不厚而忠臣義士

之心不灰嗟乎天哉作憶方密之詩

怪汝飄零事有諸白衣冠又過扶胥渡江功業誰
王謝失路文章自庾徐杵臼袴憐無塊肉尉陀臺
喜有新書丈夫不死心何限努力頭顱烽火餘

其二

談兵草檄自驚奇搥鼓圍碁復可見天下英雄今
有幾此行磊落更何疑心爲皎日懸岐路夢逐浮
雲繫遠思目斷河梁攜手地當風吾鬢已如絲

其三

修竹墻陰愛結鄰十年縞帶奉清塵天移忍復論
交道劒在何堪擬故人同死臧洪誰慷慨逃生張
儉獨悲辛也知盜賊縱橫甚不敵江東丞相嗔

其四

風雨新亭不可登清流今得飽青蠅跳身計肯謀
妻子討賊臣當受燉餒魚服孤行宜海國虎巢相
厄自良朋群公廟戰多奇筭欲殺才人總不能

其五

尺疏三河募少年已將兒女付蒼天人稱調笑東

方朔自奉心肝魯仲連一代異才爭日月兩都亡
命狎風烟翻憐槐落空宮後少子高歌白雪篇

其六

掉臂天風萬里遊奇懷跌宕俯滄洲單衣短劒
人贈大壑雄峰倦眼收漫倚潔身消毒怨豈知名
士盡離憂他年執手三山島細數銅駝陌上愁

朱遂初謁告得請和袁鳧公韻爲贈

男兒失意不成名肯復隨人畏路行分作海鷗還
怒色可憐衰鳳竟虛生盡呼妻子趨吳舸不信公

卿厭越聲絮帽小床君自足孤吟愁絕庾蘭成

秋夕有懷和遂初

歸思長縈下澤車西風消渴到相如無聊聽雁秋
窓下有客投詩伏枕初梅福何年吳市卒王充滿
眼雒陽書時艱側目蓬蒿長不信逃名計亦疎

其二

玩世曾傳咏五君風塵筇吹豈堪聞朱絃自惜焦
桐響孤鳳猶栖百鳥群幽磬晚香催梵誦青燈殘
角度秋分北山猿鶴無相諠芝桂涓涓已半焚

定山堂詩集卷十七

七言律詩二

七十三首

謝袁鳧公水部雨中寄懷

午日李舒章中翰招同朱遂初孫惠一聯
諫集小軒演吳越傳奇得端字

王用五赴恒山幕府送別

雪航招飲邸中醉歸卽事限韻

鳧公舒章重九集飲有作遙和原韻

郝賁如給諫來自濟南執手相泣獨不待官

而歸余高其意賦此送之兼敘疇昔亦冀
故人風雨空山中時一把唵念我也

二首

送李琳芝侍御還山

冬夜同秋岳舒章臯公集爾唯葯房限韻

二首

再疊前韻

三首

三疊前韻

三首

豈凡少宰齋中同秋岳限韻

感懷舊事同秋岳疊前韻

題善持君畫蘭

袁鳧公水部招飲演所著西樓傳奇同秋岳

賦二首

飲秋岳齋中戲拈二韻

飲雪航齋中同秋岳再疊前韻二首

再飲秋岳齋中三疊前韻二首

秋岳過飲小齋四疊前韻二首

秋岳招飲卽事漫賦

送金長源還松陵同秋岳卽席賦

同秋岳飲無外邸中三首

花朝同敬哉韞退玉叔爾唯舒章芥菴社集

秋岳齋限韻十體

舒章請假南行同秋岳賦送四首

春日同金豈凡少宰劉玉孺司馬曹秋岳太

僕吳雪航侍御讌集澹園卽席限韻

過郭涵星太傅森園感賦

伯父雍麓公惠詩重憶依韻奉報

南歸舟次有懷都門故人作

沂湖晚泛同善持君限韻時小雨初霽

從淮陰幕府得舍弟孝緒到杭州消息喜寄

三首用少陵韻

廣陵感懷八首

初返居巢感懷三首

奉和熊雪堂先生見懷韻寄答

二首

春興和石疏韻

八首

定山堂詩集卷十七

姪嘉穉

淮南龔鼎孳孝升著

男士穉全岐

弟鼎璠孝積訂

士稚

七言律詩二

謝袁鳧公水部雨中寄懷

簷桐受雨綠初深
偃臥人偏歎陸沉
鄉夢不知湖海濶
客愁常遣鬢毛侵
馬曹爾柱看山笏
犢鼻余憐貰酒琴
莫爲畫眉閑綵筆
鍾期千載奉清音

午日李舒章中翰招同朱遂初係惠可兩給

諫集小軒演吳越傳奇得端字

青燈蒲酒共盤桓
崔九堂前韻未殘
楚澤椒蘭追侘傺
吳宮麋鹿幻悲酸
名花傾國人何恨
烟水藏身計果難
歌舞場中齊墮淚
亂餘憂樂太無端

王用五赴恒山幕府送別

薊北浮雲莽未央
井陘王露漸爲霜
尊前過雁憐余寂
驛路寒花似爾長
王粲懷鄉樓閣迥
陳琳草檄羽書揚
前年此夕曾分袂
駿馬黃衫未可忘

前年

八月十五川
五正南行也

雪航招飲邸中醉歸卽事限韻

夾路清霜下古藤
酒狂舌在興堪乘
金臺筑奏二
更月柏府風凝萬壑冰
入夜飛鴻催短髮
故鄉人影亂
秋燈醉餘玩世還
孤憤捉臂澆愁問紫綾

鳧公舒章重九集飲有作遙和原韻

窮巷涼風起薜蘿
遙憐斗酒其經過
早霜故國清
砧遠斜日中原畫
角多四海交遊紛落葉
百年生
事一悲歌
紫萸黃菊愁無賴
潦倒深杯奈爾何

定山堂詩集

七言律詩

卷十七

郝賁如給諫來自濟南執手相泣獨不待官
而歸余高其意賦此送之兼敘疇昔亦冀
故人風雨空山中時一把盃念我也

流落人非故態狂吞聲不敢及滄桑聞雞蹴夜心
猶熱裹劍還家鬢已蒼萬里交游均涕淚十年離
合保星霜紛紛鱗翼勞攀附羨爾冥鴻薄稻梁

其二

丈夫恨事不封侯壯歲悲歌忽白頭擊筑彈箏游
俠窟臂鷹呼狗野雲秋何期忍死存車笠不分餘

半負崩緌我自善愁君善病相逢泣下不能收

送李琳芝侍御還山

憂時賈傅心誠苦請劔朱雲事獨難鼎鑊自甘編
虎齒斧柯終擬斲龜山殿爭氣逼千尋上袖草風
吹萬壑寒睨柱衝冠君不覺艱危頭與壁俱還

冬夜同秋岳舒章鳧公集爾唯葯房限韻

天涯流落歲寒同入夜清樽興不空無數遙烽迷
去鳥有情別淚到秋蟲燈前殘菊如羈客亂後綈
袍飽朔風莫倚荆高能意氣人今衰草暮笳中

其一

不敢停杯數少年楚歌聊復泣當筵最憐燕市葡
萄酒恰負江南橘柚天鴈背有霜橫暮角雞聲無
地蹴先鞭東方玩世惟遊戲自悔狂夫學佩紱

其三

深杯短劍爲誰豪良夜清談不畏勞座上驪珠初
入掌中原鐵騎正如毛鼓行色奪吳鉤壯曲奏名
爭郢雪高偃蹇酒人星漢下無風硯沼亦波濤

再疊前韻

灑泣新亭事不同，庭花苑草總成空。
名香畫省銷銀鴨，寶鈿橫塘冷玉蟲。
有客琉璃裁硯匣，誰家鸚鵡散屏風。
賦成楊柳愁偏劇，何限心情一歎中。

其二

忘憂只用酒爲年，揮麈全勝玳瑁筵。
薄海文章埋白羽，故園烟草接青天。
相憐比玉言如繡，不惜黃金鑄作鞭。
回首清平宮調冷，經秋風雨濕朱絃。

其三

青燈吹壁鬪吟豪，無用求仙覓二勞。
楚客久知悲

鳳德吳儂今始詫，鳬毛繞枝烏鵲風難定。問夜銅
龍月正高，暫向樽前歌桂樹。銷魂愁渡廣陵濤。

三疊前韻

登高遠望旅懷同，惆悵吳天鴈影空。蓬轉久憐辭
社燕，時違誰信語水蟲。江聲遠沸蘆葭月，麗句愁
翻楊柳風。薦客何當勞狗監，凌雲合老酒壚中。

謂舒

章也

其二

閉戶窮愁自歲年，快披高論一驚筵。明駝紫陌幽

人徑短燭繁霜客子天歎息長楊虛執戟叮嚀芳
草信歸鞭相逢悔不題輕薄夜擊歌鍾曉拓弦

其三

共識元龍意氣豪畏途人已困新勞多愁不入麒麟
畫弱采誰憐翡翠毛對酒風烟驚歲晚過秋砧
杵逼天高壯夫失足空詞賦大海迴瀾響夜濤

豈凡少宰齋中同秋岳限韻

隔簾霜月吐檐牙豪舉難同處仲撾入座喜探丹
鳳穴卜居還夢白鷗沙深宵燈火吹蓬鬢一座歌

呼敵暮笳水鏡不須籬棘繞玉匙容易泛仙麻

感懷舊事同秋岳疊前韻

雞肋曾經犯虎牙漁陽殘鼓不堪撾黨碑有字皆
成獄畏路無風亦捲沙朱閣半天題聚寶黃塵一
夕捲鳴笳紛紛政事堂中客又入長安探草麻

題善持君畫蘭

簾開遠岫碧烟平傾國香中擁百城密葉疎花紛
自出畫簾裴几故多情九秋空谷同餐露百折當
門竟寫生沅澧招魂風日在年年春色報柴荆

袁鳧公水部招飲演所著西樓傳奇同秋岳

賦

鳳管鴟絃奏合圍酒塲新約醉無歸可憐薊北紅
牙柏猶唱江南金縷衣詞客幸隨明月在清歌應
過彩雲飛上林早得琴心賞粉黛知音世總稀

其二

寒城客思繞更籌夢裏橫塘阻十洲一部管簫新
解語六朝人物舊多愁烏栖往事談何綺鶯囀當
筵滑欲流落魄信陵心自苦徵歌莫訝錦纏頭

飲秋岳齋中戲拈二韻

芳筵一曲酒如澠
羯鼓敲殘月半稜
烏府有霜聞白菊
絳帷餘韻寫朱繩
愁翻玉樹花初落
夢惜金莖掌共承
瑤瑟洞簫還可戀
太平歌舞記吾曾

其二

可憐人共築花龕
香粉禪從醉後叅
座上大名推繡虎
袖中錦字濯冰蠶
笑能傾國佳難再
彈到傷心歎已三
好語鳳凰枝上月
水晶簾畔照宜男

時將有夢
蘭之慶也

秋
出

飲雪航齋中秋岳再疊前韻

望裏煙光綠似澠衣吹寒月欲生稜風流綺席追
玄塵勝事香奩鬪赤繩大隱戟宜才子執小山蓋
爲雅人承繇來顧曲推年少鳳采鸞文得未曾

其二

相攜塵海結珠龕生事齋厨白版叅艸色夾城馳
紫燕藥囊度日偃紅蠶霜飛尺簡千人一賦奏羣
呼萬歲三嬾我彈琴兼縱酒不勞懷抱掛諸舅

再飲秋岳齋中三疊前韻

垂翅何由更奮灑敢從嶽嶽折高稜紺珠入掌搖
銀蠟虹氣凌霄倒絳繩紫鳳管如天上度青蓮香
白舌邊承過江流落推詞苑孝穆聲華見幾曾

其二

寒森庭栢鎖幽龕高會聊當一放叅無忌有身宜
酒婦王褒何地卜耕蠶花驄蹀躞工超五詩陣饒
笏捷踰三萬國曾憐烽火急戰餘誰作附書男

秋岳過飲小齋四疊前韻

召才如海俯青澗又探驪龍擾角稜雪照鑊邪寒

似水風吹綰帶續爲繩當杯有鹿爭思逐鬪捷猶
蝸熟可承敢倚偏師摩趙壁雕蟲聊說壯夫曾

其二

鳳撥朱么繞戒龕名香清影亦孤叅經年鵲血啼
成豹織月朱絲巧勝蠶叔夜不堪真有七長康獨
絕已名三酒酣擊筑餘幽憤輸與羊裘大澤男

秋岳招飲卽事漫賦

銜杯止理布衣交南嶽無勞遠獻嘲金馬舊愁分
舞扇玉臺新咏狎征徭客逢春事欣迴轍烽定吳

山妬結茆燕市漸看稀酒伴故人鄉話滿青郊

送金長源還松陵同秋岳卽席賦

顛倒春愁錦瑟絃帝城風物故依然伊涼北地聲
原占花月江南夢可憐楊柳曲深催畫角鄉關人
聚緩離筵驪駒最有銷魂意況是銅溝碧草天

同秋岳飲無外邸中

他鄉春色易銷魂妙舞清歌集弟昆似是馬曹堪
拄笏

時秋岳
官太僕

未逢齋日且開樽烏衣逸韻傳裙展

黃絹詞名長杜蘅艷事玉臺毋閣筆冰絲猶許織

天孫

其二

鵝笙鳳管度吳趨
寫影春屏欲有無
紈扇好開芳草社
錦燈斜擁落花圖
舒懷暫共啼鶯煖
倚醉兼辭上馬扶
卜夜莫嫌傾一石
雨風容易濕平蕪

其三

共攤椽燭永芳筵
花底清歌子夜偏
燕語畫簾輕似夢
酒圍宵幔小如年
行雲慣駐秦青曲
明月猶高薊苑天
戍鼓一街投轄易
春愁今已破繁絃

花朝同敬哉韞退玉叔爾唯舒章芥菴社集

秋岳齋限韻十體

蹉跎生事盡悲歌花底惟當喚奈何孤調浙驚春
雪散浮踪猶戀酒星多口銜石闕看彈劍人閱銅
駝厭枕戈橫笛莫吹楊柳曲東風無計遣愁過

舒章請假南行同秋岳賦送四首

遊倦空悲薦賦年春山細雨正聞鶉燕臺久賤黃
金骨吳客難消紫樹天入夜風煙搖短燭隔江花
草迂歸船生還早覓傷心侶亂後人才不似前

其二

采隱何須更買山，幾年風雨望陽關。
千秋物忌高文在，七尺天容此日閒。
折柳可憐雙鬢換，飛鴻又送一人還。
長門薄命甘淪落，不向寒鴉比玉顏。

其三

窮塗生事泣枯魚，縱壑欣聞得遂初。
漸有移文嘲俗駕，早看投綬賦閒居。
愁迷張翰江東路，好報任安太史書。
落日重城還矯首，茂陵碧草長春餘。

其四

失志無勞泣玉明
麻衫草屨舊書生
座中幸免題家令
天下誰能罵正平
招隱尚憐同病客
當杯重續短歌聲
故山薇蕨猶豺虎
畏路須如折坂行

春日同金豈凡少宰劉玉孺司馬曹秋岳太

僕吳雪航侍御讌集澹園卽席限韻

春園疊鼓奉名花
繡羽搖波一曲斜
絳雪晚飛芳草徑
紫絲天護海棠家
煙深遠憶青簾舫
雨過爭騎白鼻騮
水國流連須竟日
帝城絃管畏風沙

其二

綺筵三月敞蘭亭垂柳還依御苑青檻外晴沙分
鳥夢西來山色入漁汀鳳笙隊尚喧名部雉尾香
偏染畫櫺一座春愁天寶客曲終未許落花聽

其三

啼鶯又送建章春紫陌朱輪草色新勝日管簫淹
客屐長楸羽獵亂花茵晴波澹寫三吳意飛絮輕
如六代人回首舊遊文酒散翻因歌舞一沾巾

其四 時觀宋徽宗墨蹟

宸翰高懸寶墨香爭從劫火拜靈光杜鵑不解留

青帝鸚鵡猶能哭上皇
璧琬風烟禾黍後金門花
月馭駸傍銜杯難盡文通
感獨立蒼茫過夕陽

過郭涵星太傅森園感賦

金谷杯停碧草多
畫簾清簾近如何
柳絲已隔長楊苑
春水仍涵太液波
香冷玳梁迷社燕
花留蝶粉散明駝
蕭條太傅高懷盡
池上愁聞玉樹歌

伯父雍麓公惠詩垂憶依韻奉報

劫過昆明萬事隳
壯心初向鏡邊灰
休文座上人非少
庾信江南賦獨哀
滿眼干戈疑去住
百年家

國車徘徊遙知簷日題書恨淚裊新詩慘不開

南歸舟次有懷都門故人作

蕭條蟋蟀傍孤舟血淚丹楓迴自愁夢裏故交頻
惜別病餘風物易驚秋天空落木波相逐露濕淒
愴晚並流回首金臺荒草月夜深還照酒人游

沂湖晚泛同善持君限韻時小雨初霽

殘霞如綺壓孤艘夜色微茫客倚窓北望風烟迷
短岫南來鷗鷺習寒江驚秋殘荻聲長濕近水征
鴻影自雙鴈有謝家晴練句爲寬愁鬢向銀鉤

其二

百頃烟波暮色開，輕帆信不數龍媒。
五湖伴侶留烟月，六代江山付劫灰。
衰柳斷汀眠鷺熟，遠村寒火捕魚迴。
客心入夜偏蕭瑟，無限西風鬢髮催。

從淮陰幕府得舍弟孝緒到杭州消息喜寄

三首用少陵韻

踪跡何由滯遠州，三年一字慰離憂。
孤身喜脫蛟龍吻，江左新傳檣杪頭。

南用事

烏咽總帷風樹杳，馬

嘶金翟暮雲流。招魂爲報還鄉好，佩劍人歸漸買

牛

其二

南望吳天烽火深，北來鴻鴈晚霜侵。
六橋烟柳愁中路，雙槳秋蛩亂後心。
入洛士龍猶健在，無家庾信只哀吟。
連牀何夕滄桑話，細剪寒燈淚不禁。

其三

石頭城下清砧響，應是西泠客憶家。
游子衣裳多白露，故園門徑正黃花。
琴臺誰買千秋酒，布帽宜鋤五色瓜。
丙舍早寒松月靜，蓼莪對誦一長嗟。

廣陵感懷八首

落日櫓搖蓬鬢客蕪城秋老菊花時雁回玉塞知
鄉路草接銅駝上遠陂南國旌旗潮外隱錦帆簫
管月中悲天高風急仍鉦鼓岐路徘徊安所之

其二

燕子春風迷繡戶狐狸鬼語哭新墳百年柳盡隋
堤月半壁天低建業雲亂後江山驚似舊座中人
物感離羣嫖姚漢將都無恙不記當時溺上軍

其三

六代衣冠埋野燒，千秋臺殿鎖荒樛。
青驄驟躍桃溪水，銀兔還籠菡萏湖。
錦纜恨長珠輦過，夢華人散玉簫孤。
隔江莫唱江南弄，狎客臨春近已無。

其四

懷鄉王粲幾登樓，目斷長河天外流。
故國未歸空有夢，深宮誰信竟無愁。
將軍自換麒麟閣，丞相能操舴艋舟。
到日竹西歌吹改，煙花不分說揚州。

其五

客述四鎮時事

江淮乘障本雄風，誤國金錢實首戎。
似有迷樓呼

殿角不聞繡嶺署行宮綺羅人盡驕三月草木兵
誰阨八公寂寞雷塘猶有墓遙憐馬角夕陽中

其六

勲名今昔豈難同幕府爭書佐命功帳下椎牛謹
享士穴中鬪鼠早興戎千艘漕輓寒烽後一路笙
歌野棘中潣水獨分人代恨滔滔日夜向江東

其七

垂柳何年曾試馬飄萍此度最沾衣茂陵雲暗冢
鴻遠華表烟深獨鶴歸夾座貂蟬天已去還家花

月路全非寒濤壯吼睢陽血莫惜孤城井甕稀

其八

楚天金鼓壓江河大將樓船截漢過

謂寧南也

晉甲纔

傳清社鼠隋宮已見散明駝蕭條原野花門盡點
綴帆檣買客多但祝洗兵淮海靜書生無夢到橫
戈

初返居巢感懷

失路人歸故國秋飄零不敢弔巢由書因入雒傳
黃耳烏爲傷心改白頭明月可憐銷盡菊花枝莫

遣近高樓臺城一片歌鐘起散入南雲萬點愁

其二

杜鵑聲到碧雲頭短劒長歌一夕休南渡公卿今
北去西與笳鼓又東流離宮露冷芙蓉漏別鴈風
吹杜若洲莫爲青門傷冷落種瓜人是舊王侯

其三

十年流浪鬢如絲歸及河山杜宇時天寶事多宮
監咽臨春夢往月華悲銷魂畏奏金微笛薄命誰
憐玉鏡眉一曲雨淋花落盡逢人猶謝斷腸詩

奉和熊雪堂先生見懷韻寄答

浮雲北陸起層陰，擊筑人歸續越吟。
閱世似醒千日酒，許身多負少年心。
六朝春草鶯啼歇，十月江花鴈字深。
自向柯亭裁短笛，百年歌已屬知音。

其二

懷湘同賦楚騷經，別後芳蘭憶遠汀。
閉戶玄亭書早就，還家孝穆亂初寧。
煙波自愛漁蓑綠，天日猶爭竹簡青。
莫訝功名皆沈范，還山今有少微星。

春興和石疏韻

定山堂詩集

七言律詩
十六

卷十七

萬瓦鱗鱗劫火均荒唐似欲紀周秦薨苔血碧迷
三徑椒酒厨貧罷五辛舊燕已知移畫棟垂楊何
日夾鈿輪文通自信傷心極春到江南不當春

其二

萬事飄零伏野萊最難回首栢梁臺花憐謝豹經
春咽月照征鴻絕塞迴玉馬漸迷松栢路靈鳥長
助蓼莪哀蓬門載酒人何限却對鸞娟自往來

其三

久知鐘鼓駭爰居何意還山愧二疏故國賓朋雙

鬢改中原井竈十年墟魂搖野笛登臨外塵起黃
昏戰伐餘莫向白雲飛處立卽今溫嶠血盈裾

其四

滄桑歷盡意悲哉落日啼鵲萬里來燕趙狂歌猶
有客齊梁流落本多才世當阮籍塗偏厄賦到靈
均語自哀容易春城揮淚雨玉門人老未曾迴

其五

芙蓉霜匣臥寒芒百戰山河遍夕陽麋鹿野臺稱
舊內麒麟高塚峙殘疆春生江國喧鐃吹日出平

林憶杏梁不見少年文酒地小梅深柳各清蒼

○其六

笙歌北里接梁州燈火淒迷續勝遊金翟露寒天
欲淚錦帆人去月空流朱門盡讓啼烏宿錢券難
銷汗馬酬引領春田埋箭鏃一犁黃犢穩披裘

○其七

宮鴉飛盡暮雲寒庭樹歌翻王氣殘金穴有人驕
北斗新亭無暇泣南冠降旛一片團珠輦寢劒干
秋冷玉盤故里無家還繞樹秣陵看草碧難看

其八

故園三竹太蕭然
俯仰平泉亦白憐
白
鎖下紅牆斜綴古城邊
有情草色來
又
非學昔賢醉後莫談天
寶事五陵衰
又